



# **Universitätsbibliothek Paderborn**

**Quotidiana Christiani Militis Tessera**

**Stanyhurst, Guillaume**

**Coloniæ Agrippinæ, 1710**

30. Dies Octob. Sustimere virgam corripientem, ne sentiatis malleum  
conterentem.

**urn:nbn:de:hbz:466:1-45477**

omni pretiosior pretio. Idipsum testatur D. Scholastica. Dies unus benè impensus obsequio Dei, plus valet, quàm nullia annorum ad obtinendum universum mundum. Arrigues loquenti Divino mercatori.

Tumido da canam, reddam pro munere cælum.

### 30. DIES OCTOB.

Sustinet virgam corripientem, ne tentiatis maleum conterentem. S. Bernardus in psal. Qui habitat. Sermon. 10.

Peccati comes, I. Prioris diei tessera te docuit Poena. **P**rioris diei tessera te docuit methodum feliciter nundinandi. Sapientis est malleati in hac vita levia, quàm post illam gravia: melius est enim corripi, quàm conteri. Divina Justitia, ut reddat unicuique juxta sua merita, sicut habet geminas manus, ita & gemina, quibus castigat instrumenta, altera est dextera, altera sinistra manus: illa est Patris, hæc Judicis, illâ tenet virginem, hæc malleum; dextera corripit, sinistra conterit: utitur virga contra amicos, ut corripiat ad momentum: utitur malleo contra inimicos, ut conterat in æternum. Vide quid eligas; ne postea te pœnitentiae elegisse. Ut semel castigeris, non est libertatis, est necessitatis. Peccasse te, tam est certum, ut non possis negare te peccatorem, quin novum committas peccatum. Ubi præcessit culpa, necesse est sequatur poena. Culpa enim nunquam est solitaria, poena illam non tantum sequitur ut pedissequa à tergore, sed adhæret ejus comes à latere. Quid ergo miraris te corripi, ubi commisisti corripienda? Nónne tu unus ex illis es, de quibus conqueritur, qui

qui te querit, Deus? (a) Verterunt ad me tergum, & non faciem? Qui cum peccares, ad Deum vertisti dorsum, nunc, quia peccasti, ut castigeris, inclina dorsum. Quidquid hic pateris, quia est leve tribulationis, non est nisi ictus virginis, quod postea patieris, sunt contarentis ictus mallei: si formides diros ictus, declina pravos actus: quia respondent actibus ictus. Ut effigias virginis, fuge culpam.

II. Si jaceres in incude sub ictu mallei, quid males, esse vitrum, an aurum? Vitrum malleo conteritur, aurum perficitur. Quivis in hac vita est velut in incude, debet tundi, hoc est, plecti. Divina Justitia ut plecat, tenet malleum, si sis vitrum, hoc est, improbus, dissilis, frangeris, peribis: si aurum, hoc est, justus, solidaberis, perficiaris. Est hic ipsissimus sensus D. Augustini: (b) Malleus universa terrae, diabolus est: de ipso malleo, in manu Domini posito, id est, in potestate Dei, tunduntur ductiles tubae, id est, anima sancta, ut resonent Dei laudes. De isto malleo, & justus tunditur, & peccator, ille, ut probetur, ille, ut puniatur. Aut certe, ut justus augeatur in bonis, & peccator corrigatur a malis. Sub isto enim malleo, in manu, id est, in potestate Domini constituto, tunduntur non solum humiles, sed & superbi, sed humiles producuntur ut aurum, superbi comminuuntur, ut vitrum. Una eademque tonsio, bonos producit ad gloriam, malos redigit in favillam. Ne ergo ictibus illius mallei frangaris, non sis fragilis, mollis, labilis, instar vitri; sed esto firmus, solidus, validus, instar auri. Hic te transferas, (c) de umbra ad Solem, de Tamica ad Loricam: verba sunt

Tertul-

(a) Jerem. 2. 27. (b) Serm. 222. de Temp. (c) Ad Mart. c. 3.

Tertulliani. Affuesce dura agere, ut possis dura pati.  
Non sis mollis ut pilus cuniculi, vel medulla anteris.  
Memineris illius: Quod nocet, docet. Quod pungit, angit; sic Deus justos, dum percutit, perficit, dum  
igillat, coronat.

III. Tu interim memineris illius : sicut non est  
tutum in illum scribere, qui potest proscribere : sic  
multò est intutiūs, illum offendere, qui potest per-  
cutere. Ut tibi delinquendi est libertas, sic & Deo  
percutiendi est potestas. Ne delinquas, linquas ne-  
cessē est delinquendi ansas. Tu deinde, cùm alios  
corripis, cave, sis malleus. Non sis ferreus Censor, ut  
ad muscam occidendam ensem quāeras, aut securim,  
& malleum, ad ovum frangendum, aut ad uicem  
enucleandam, æream machinam. Nec ad minimam  
alterius negligentiam ita verbis ferveas, ut ad parri-  
cidium, aut quodvis inexpiable scelus : nec urticam  
tot securibus adeptas, quot annos tam quercum : nec  
in exiguum murem castra moveas, ut in cete gran-  
dia, & monstra immanissima. Sis Censor, sed non  
tortor. Puniri peccantem, sed tanquam peccaturus,  
& ideo puniendus. Volo corripias, memor illius,  
quod scribit Petrus Damianus : (a) *Qui non corripit*  
*puerum ova furantem, magnum postea patietur latro-*  
*nem, equorum stabula perfringentem.* Volo, inquam,  
corripias, sed non conteras. Quod si & tu vicissim  
ab aliis vel corriperis, vel impeteris, innocens ; ne  
vertas tergum, sed oppone vultum. Scis, quantum  
tibi nocebunt ? (b) *Erunt tibi sicut ignis ad aurum, non*  
*sicut ignis ad fœnum.* Ignis enim ad aurum accedens, for-  
des tollit ; accedens ad fœnum, in cineres vertit. Sic Au-

Pars III.

Iii

gusti-

(a) Ep. 20. (b) In psal. 128.

gustinus. Cogita satius esse , ut loquar cum eodem Augustino , ( a ) deglubari , quam deglubi , & tali , quam excoriari. Hoc modo si te geras , perinde erit , velle te aliquem contra te ut prosternat , deicere , ac leonem subulâ , aprum aristâ , taurum digito excipere. Ad illa potius ridebis , quam timebis.

*Tristia ridebis , sis pernas , nulla timebis.*

### 31. DIES OCTOB.

Non tam benignum , ac liberale natura nobis tempus dedit , ut aliquid ex illo vacet perdere. *Quintilius Declam. 4.*

Tempo- I.  
ris volu-  
bilitas.

**Q**uid vis perdere tempus , ubi nul-  
lo potes Deo satisfacere tempore?  
Cur unius diei , aut horæ inter-  
vallo audes suspendere obligationem tuam ? si una  
horâ Deus suspendisset beneficentiam suam , in mun-  
do non esses , imò si suspensusset indulgentiam suam ,  
in Inferno esses. Æterna stipendia tibi promissa sunt:  
nec decet interruptis servitii mereri : si vis bene vi-  
vere , nunquam intermittas bonam vitam. Oportet  
spiritus remisè , singulis diebus te armare ad præ-  
lium , & exergiscere alacriter , quasi ad pugnam ,  
audito quasi lituo , & signo bellico. ( b ) Diliges Do-  
minum Deum tuum ex toto corde tuo &c. Hoc præcep-  
tum tibi manè promulga , & persuade tibi hunc  
diem vitæ , non tantum esse diem malitiæ ; sed pugnæ.  
Quomodo surgunt milites eo die , quo publicatum  
erit præceptum configendi cum hoste ? Miles eo die  
quo initurus est prælium non est inermis ; Tu quo-

tidie

( a ) *In Psal. 128.* ( b ) *Mar. 22.*

( a )